

Broj: 101-6002/18 DŽS *MS*  
Zenica 23.04.2018. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-6000-1/17 DŽS od 23.04.2018. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

### **ODLUKU**

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-6001/18 DŽS od 23.04.2018. godine u postupku dodjele okvirnog sporazuma za nabavku kancelarijskog materijala i prihvata se preporuka Komisije za nabavke, da se okvirni sporazum zaključi sa ponuđačem:

**Aero Exclusive d.o.o. Sarajevo,**

kao najbolje ocjenjenom ponuđaču

prema ponudi protokolisanj pod brojem: 716- 5524/18 od 12.04.2018. godine, za ponuđenu cijenu od 63.000,00 KM bez uračunatog PDV-a.

II

Prijedlog okvirnog sporazuma dostavit će se na potpis izabranom ponuđaču Aero Exclusive d.o.o. Sarajevo, nakon isteka roka od 15 dana, računajući od dana kada su svi ponuđači obavješteni o izboru najpovoljnije ponude.

III

Cijena ponude iz čl.1. ove Odluke, nakon provedene e-aukcije je umanjena za 15,99 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV

Za izvršenje ove Odluke zadužuje se Komisija za nabavke, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 101-4178/18HK od 19.03.2018 godine.

Javna nabavka je provedena putem otvorenog postupka sa zaključivanjem okvirnog sporazuma sa jednim ponuđačem na period od 36 mjeseci.

Procijenjena vrijednost javne nabavke bez uračunatog PDV-a je 75.000,00 KM.

Dana 22.03.2018. godine na Portalu javnih nabavki, istovremeno sa objavljivanjem obavještenja o nabavci broj: 439-1-1-146-3-11/18 objavljena je i tenderska dokumentacija.

Poziv za preuzimanje tenderske dokumentacije broj: 713-4178-2/18HK od 22.03.2018. godine upućen je sljedećim ponuđačima:

1. Plan plus d.o.o. Zenica,
2. Elkom d.o.o. Vitez,
3. Exclusive d.o.o. Zenica,
4. Paper star d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 12.04.2018. godine u 15:04 sati, utvrđeno je da su sljedeći ponuđači preuzeli tendersku dokumentaciju:

1. Defter d.o.o. Sarajevo
2. Ekapija d.o.o.
3. Elkom d.o.o. Vitez
4. Svjetlostkomerc d.d.Sarajevo
5. Plan plus d.o.o. Zenica
6. BBS Europe
7. Paper star d.o.o. Zenica
8. Exclusive d.o.o. Zenica
9. Office plus BH d.o.o.
10. Aero Exclusive d.o.o. Sarajevo

Komisija za nabavku imenovana je Odlukom broj: 101-316/18 MS od 10.01.2018. godine.

Komisija za nabavku je dana 23.04.2018. godine direktoru preduzeća dostavila Zapisnik o ocjeni ponuda broj: 716-6001/18 DŽS od 23.04.2018. godine i Preporuku o izboru najpovoljnijeg ponuđača broj: 716-6000-1/18 DŽS od 23.04.2018. godine, u postupku javne nabavke kancelarijskog materijala.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet),
- da su blagovremeno zaprimljene 5 (pet) ponude,
- da je neblagovremeno pristigla 1 (jedna) ponuda,
- ukupno preuzeto tenderske dokumentacije od strane ponuđača sa Portala javnih nabavki 9 (devet).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

Dana 13.04. 2018. godine u 08:30 sati na protokolu JP „ViK“ d.o.o. Zenica zaprimljena je ponuda ponuđača Svjetlostkomerc d.d. Sarajevo za nabavku kancelarijskog materijala protokolirana pod brojem: 716-5.552/18. Imajući u vidu da je predmetna ponuda dostavljena nakon isteka roka predviđenog za prijem ponuda u ovom postupku nabavke, ponuda je originalna, neotvorena vraćena ponuđaču uz popratni dopis broj: 716-5.552-1/18HH od 13.04.2018. godine.

Ponuđači Plan plus d.o.o. Zenica, Aero exclusive d.o.o. Sarajevo, PAPER STAR d.o.o. Zenica, Exclusive d.o.o. Zenica i Elcom d.o.o. Vitez su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 23.04.2018. godine, u terminu od 10:00 sati.



E-aukcija je održana u zakazanom terminu.

U e-aukciji su ponuđači Plan plus d.o.o. Zenica, Aero exclusive d.o.o. Sarajevo, Exclusive d.o.o. Zenica i Elcom d.o.o. Vitez mijenjali iznose svojih ponuda.

Konačne ponude, nakon završetka postupka e-aukcije su:

1. Aero Exclusive d.o.o. Sarajevo  
sa ukupnom cijenom ponude u iznosu od 63.000,00 KM
2. Elkom d.o.o. Vitez  
sa ukupnom cijenom ponude u iznosu od 63.900,00 KM
3. Plan plus d.o.o. Zenica  
sa ukupnom cijenom ponude u iznosu od 64.525,00 KM
4. Exclusive d.o.o. Zenica  
sa ukupnom cijenom ponude u iznosu od 71.900,00 KM
5. Paper star d.o.o. Zenica  
sa ukupnom cijenom ponude u iznosu od 76.155,22 KM

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**najniža cijena**“, prihvatljivih ponuda / ponuđača kako slijedi:

1. Aero Exclusive d.o.o. Sarajevo  
sa ukupnom cijenom ponude u iznosu od 63.000,00 KM
1. Elkom d.o.o. Vitez  
sa ukupnom cijenom ponude u iznosu od 63.900,00 KM
3. Plan plus d.o.o. Zenica  
sa ukupnom cijenom ponude u iznosu od 64.525,00 KM
4. Exclusive d.o.o. Zenica  
sa ukupnom cijenom ponude u iznosu od 71.900,00 KM
5. Paper star d.o.o. Zenica  
sa ukupnom cijenom ponude u iznosu od 76.155,22 KM

te dala preporuku da se okvirni sporazum na period od 36 mjeseci zaključi sa najuspješnijim ponuđačem **Aero Exclusive d.o.o. Sarajevo**.

Iz navedenih razloga, primjenom člana 32. i člana 64. stav 1. tačka b. Zakona o javnim nabavkama, odlučeno je kao u dispozitivu.

#### **POUKA O PRAVNOM LIJEKU:**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### **DOSTAVLJENO:**

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a



Direktor:

*Emir Pasalić*  
Pasalić Emir, dipl.ing.grad.